


T5238.07/7671(1)

CHINESE - JAPANESE LIBRARY  
HARVARD - YENCHING INSTITUT  
AT HARVARD UNIVERSITY  
OCT 31 1940



鉅文題詞

哈佛大學漢和  
圖書館珍藏印

謝

夫文章者河嶽英靈人倫精采日

五

光草木含潤金石可泐斯文不磨上帝

愛之鬼神妬之匪小物矣余嘗上下古

今英華良亦有數稍分品類摘取鴻士

鉅文數十首披襟讀之心神怡曠夫千

萬禩作者佳篇不乏矣而余取其會心者如此譬之披沙揀金往見寶飢可使飽寒可使溫倦可使醒憂可使喜何必罷精神于汗牛充棟兀經年作書中老蠹魚乎

東海屠隆題

屠緯真先生選訂鉅文品次總目

一宏放

計文二十二首

二奇古

計文十一首

三悲壯

計文十三首

四莊嚴

計文十二首

五閒適

計文十二首

六綺麗

計文十首

總計文八十首

總目終

屠緯真先生選訂鉅文目錄

宏放

卷之一

穆天子傳

莊子逍遙遊

莊子庚桑楚

卷之二

列子皇帝

天瑞

屈原遠遊

卷之三

宋玉大言賦

司馬相如大人賦

淮南子俶真訓

東方朔十洲記

卷之四

張衡思立賦

嵇康養生論

阮藉大人先生傳

劉伶酒德頌

木華海賦

漢武帝外傳

卷之五

王嘉諸名山

王巾頭陀寺碑

李白大鵬賦

南岳魏夫人傳

蘇軾赤壁賦

蘇軾後赤壁賦

奇古

卷之六

檀弓上

檀弓下

卷之七

考工記

秦惠王詛楚文

韓非說難

屈原天問

左丘明子產論實沈臺駘

秦始皇登琅琊臺刻石文

秦始皇登之罘山刻石文

司馬相如封禪文

揚雄解難

班固燕然山銘

悲壯



卷之八

屈原悲回風

屈原惜往日

司馬遷荆軻傳

司馬遷項羽本記

卷之九

鄒陽獄中上書

李陵答蘇武書

邯鄲淳曹娥碑

陳琳為袁紹檄州郡

鮑照蕪城賦

江淹恨賦

駱賓王代李敬業起兵誅武后檄

柳毅傳

胡邦衡論王倫封事

莊嚴

卷之十

左丘明周襄王不許晉文公請隧

見國語

左丘明呂相絕秦書

漢武帝封齊王策

漢武帝封燕王策

漢武帝封廣陵王策

班固典引

諸葛亮出師表

諸葛亮後出師表

張載劍閣銘

夏侯湛東方朔畫像贊

韓愈平淮西碑

蘇軾表忠觀碑

閒適

卷之十一

仲長統樂志論

張衡歸田賦

潘岳閒居賦

范曄龐公傳

陶潛歸去來辭

王羲之蘭亭序

皇甫松大隱賦

王績無心子傳

王績荅馮子華處士書

王績荅程道士書

白居易醉吟先生傳

陸龜蒙甫里先生傳

綺麗

卷之十二

宋玉高唐賦

宋玉神女賦

司馬遷司馬相如列傳

曹植洛神賦

王嘉燕昭王

謝莊宋孝武宣貴妃誄

謝莊月賦

伶玄趙飛燕外傳

宋之問秋蓮賦

元積連昌宮辭

Blank columns for the main text of the inscription.

鉅文卷之一

穆天子傳

西吳茅元儀止生氏品次

甬東屠隆緯真氏摘取

哈佛大學漢和圖書館珍藏印



飲天子蠲山之上戊寅天子北征乃絕漳水庚辰  
至于□觴天子于盤石之上天子乃奏廣樂載立  
不舍至于鉞山之下癸未雨雪天子獵于鉞山之  
西阿於是得絕鉞山之隊北循虜沱之陽乙酉天  
子北升于□天子北征于犬戎犬戎□胡觴天子

于當水之陽天子乃樂□賜七萃之士戰庚寅北  
風雨雪天子以寒之故命王屬休甲午天子西征  
乃絕險之關墜巳亥至于焉居禹知之平辛丑天  
子西征至于鄴人河宗之子孫鄴柏絮且逆天子  
于智之□先豹皮十良馬二六天子使井利受之  
癸酉天子舍于漆澤乃西釣于河以觀□智之□  
甲辰天子獵于滲澤於是得白狐玄貉焉以祭于  
河宗丙午天子飲于河水之阿天子屬六師之人  
于鄴邦之南滲澤之上戊寅天子西征驚行至于

陽紆之山河伯無夷之所都居是惟河宗氏河宗  
伯天逆天子燕然之山勞用束帛加璧先白□天  
子使鄒父受之癸丑天子大朝于燕□之山河水  
之阿乃命井利梁固聿將六師天子命吉日戊午  
天子大服冕禕帔帶摺芻夾佩奉璧南面立于寒  
下曾祝佐之官人陳牲全五□具天子授河宗璧  
河宗伯天受璧西向沈璧于河再拜稽首祝沉牛  
馬豕羊河宗□命于皇天子河伯號之帝曰穆滿  
女當永致用昔事南向再拜河宗又號之帝曰穆

蒲示女春山之瑤詔女崑崙□舍四平泉七十乃  
至於崑崙之丘以觀春山之瑤賜語晦天子受命  
南向再拜巳未天子大朝于黃之山乃披圖視典  
用觀天子之瑤器曰天子之瑤玉果璿珠銀燭黃  
金之膏天子之瑤萬金□瑤白金士之瑤五十金  
鹿人之瑤十金天子之弓射人步劔牛馬犀□器  
千金天子之馬走千里勝人猛獸天子之狗走百  
里執虎豹伯天曰征鳥使翼曰□鳥為鶴雞飛八  
百里名獸使足□走千里後猊□野馬走五百里

叩叩距虛走百里糜走二十里曰伯天皆致河典  
乃乘渠黃之乘為天子先以極西土乙丑天子西  
濟於河口□爰有温谷樂都河宗氏之所遊居丙寅  
天子屬官效器乃命正公郊父受勅憲用伸□八  
駿之乘以飲於技詩之中積石之南河天子之駿  
赤驥盜驪白義踰輪山子渠黃華騶綠耳狗重工  
徹止翟猴□黃南□來白天子之御造父三百耿  
脩芍及曰天子是與出口□入藪田獵釣弋天子曰  
於戲予一人不盈於德而辨於樂世亦追數吾過

乎七萃之士對天子曰後世所望無失天常農工  
既得男女衣食百姓珪鬪官人執事故天有昔民  
□氏響□何謀於樂何意之忘與民共利世以爲  
常也天子嘉之賜以左佩華也乃再拜頓首□伯  
天曰昔封膜晝於河水之陽以爲殷人主丁巳天  
子西南升□之所止居爰有大木碩草爰有野獸  
可以畋獵戊午鳥□之人居慮欬酒百壺於天子  
天子已飲而行遂宿於昆侖之阿赤水之陽爰有  
鷄鳥之山天子三日舍於鷄鳥之山□吉日辛酉

天子升於昆侖之丘以觀黃帝之宮而豐豐隆之  
祭以詔後世癸亥天子具蠲齊牲全以禋於昆侖  
之丘甲子天子北征舍於珠澤以釣於流水曰珠  
澤之藪方三十里爰有薜藜莞蒲茅苴萋乃獻白  
玉□隻□角之一□三可以□沐乃進食□酒食  
羊三千天子□昆侖以守黃帝之宮南司赤水而  
北守春山之寶天子乃□之人吾黃金之環三五  
米芾貝飾三十二布之四□吾乃摸拜而受天子

又與之黃牛二六以三十□人于昆侖之丘季夏  
丁卯天子北升於春山之上以望四野曰春山是  
唯天下之高山也孳木□華畏雪天子於是取孳  
木華之實曰春山之澤清水出泉溫和無風飛鳥  
百獸之所飲食先王所謂縣圃天子於是得玉策  
枝斯之英曰春山百獸之所聚也飛鳥之所棲也  
爰有□獸食虎豹如麋而載骨盤□始如麕小頭  
大鼻爰有赤豹白虎熊羆豺狼野馬野牛山羊  
野豕爰有白鳥青鷗執犬羊食豕鹿曰天子五日

觀于春山之上乃爲銘迹於縣圃之上以詔後世  
壬申天子西征甲戌至於赤鳥之人其獻酒千斛  
于天子食馬九百羊牛三千稊麥百載天子使祭  
父受之曰赤鳥氏先出自周宗大王亶父之始作  
西土封其元子吳太伯于東吳詔以金刃之刑賄  
用周室之璧封刀璧臣長季綽于春山之風妻以  
元女詔以玉石之刑以爲周室主天子乃賜赤鳥  
之人□其墨乘四黃金四十鑑貝帶五十朱三百  
裹刀乃膜拜而受曰□山是唯天下之良山也實



玉之所在嘉穀生之草木碩美天子於是取嘉禾以歸樹于中國曰天子五日休于□山之下乃奏廣樂赤鳥之人乃好獻女于天子女聽女列爲嬖人曰赤鳥氏美人之地也寶玉之所在也巳卯天子北征趙行□舍庚辰濟于洋水辛巳入于曹奴之人戲觴天子于洋水之上乃獻食馬九百牛羊七千糶米百車天子使逢固受之天子乃賜曹奴之人戲□黃金之鹿銀□貝帶四十朱四百裏戲乃膜拜而受壬午天子北征東還甲申至於黑水

西膜之所謂鴻鷺於是降雨七日天子留骨六師之屬天子乃封長肱于黑水之西河是惟鴻鷺之上以爲周室主是曰留骨之邦辛卯天子北征東還乃循黑水癸巳至于羣玉之山容□氏之所守曰羣玉田山□知阿乎無險四徹中繩先王之所謂策府寡草木而無鳥獸爰有□木西膜之所謂□天子於是取玉三乘玉器服物於是載玉萬隻天子四日休羣玉之山乃命邢侯待攻玉者孟秋丁酉天子北征□之人潛時觴天子于羽陵之上

乃獻良馬牛羊天子以其邦之攻玉石也不受其  
牢伯天曰□氏檻□之後也天子乃賜之黃金之  
罍三六朱三百裹潛時乃膜拜而受戊戌天子西  
征辛丑至于劓閭氏天子乃命劓閭氏供食六師  
之人于鐵山之下壬寅天子登于鐵山乃徹祭器  
于劓閭之人温歸乃膜拜而受天子已祭而行乃  
遂西征丙午至于鸚韓氏爰有樂野温和稌麥之  
所草犬馬牛羊之所昌寶玉之所□丁未天子大  
朝于平衍之中乃命六師之屬休巳酉天子大饗

正公諸侯王吏七萃之士于平衍之中鸚韓之人  
無鳧乃獻良馬百匹用牛三百良犬七千犝牛二  
百野馬三百牛羊二千稌麥三百車天子乃賜之  
黃金銀罍四七貝帶五十朱三百裹變□雕官無  
鳧上下乃膜拜而受庚戌天子西征至于玄池天  
子三日休于玄池之上乃奏廣樂三日而終是日  
樂池天子乃樹之竹是曰竹林癸丑天子乃遂西  
征丙辰至于苦山西膜之所謂茂苑天子於是休  
獵於是食苦丁巳天子西征巳未宿于黃鼠之山

西□乃遂西征癸亥至于西王母之邦吉日甲子  
天子賓于西王母乃執白圭玄璧以見西王母好  
獻錦組百純□組三百純西王母再拜受之□乙  
丑天子觴西王母于瑤池之上西王母爲天子謠  
曰白雲在天山際自出道里悠遠山川間之將子  
無死尚能復來天子荅之曰予歸東土和治諸夏  
萬民平均吾顧見汝比及三年將後而野天子遂  
驅舟于弇山乃紀刀跡于弇山之石而樹之槐眷  
曰西王母之山西王母之山還歸刀□世民作夢

以吟曰北徂西土爰居其野虎豹爲羣於鵲與虎  
嘉命不遷我惟帝天子大命而不可稱顧世民之  
恩流涕勃隕吹笙鼓簧中心翔翔世民之子唯天  
之望丁未天子飲于溫山□考鳥已酉天子飲于  
溇水之上乃發憲命詔六師之人□其羽爰有□  
藪水澤爰有陵衍平陸碩鳥物羽六師之人畢至  
于曠原曰天子三月舍于曠原□天子大饗正公  
諸侯王勒七萃之士于羽琤之上乃奏廣樂□六  
師之人翔畋于曠原得獲無疆鳥獸絕羣六師之

人大畋九日乃駐于羽之□收皮效物債車受載  
天子於是載羽百車巳亥天子東歸六師□起庚  
子至于□之山而休以待六師之人庚辰天子東  
征癸未至于戊□之山智氏之所處□智□往天  
子于戊□之山勞用白驂二疋野馬野牛四十守  
犬七十乃獻食馬四百牛羊三千曰智氏□天子  
北遊于緡子之澤智氏之夫獻酒百□于天子天  
子賜之狗瓊采黃金之一二九貝帶四十朱丹三百  
裹桂薑百□乃膜拜而受乙酉天子南征東還巳

丑至于獻水乃遂東征飲而行乃遂東南巳亥至  
于瓜纒之山三周若城闕氏胡氏之所保天子乃  
遂東征南絕沙衍辛丑天子渴于沙衍求飲未至  
七萃之士高奔戎刺其左驂之頸取其青血以飲  
天子天子美之乃賜奔戎佩玉一隻奔戎再拜詣  
首天子乃遂南征甲辰至于積山之邊爰有萇栢  
曰葛余之人命懷獻酒于天子天子賜之黃金之  
罌貝帶朱丹七十裹命懷乃膜拜而受乙巳□諸  
飭獻酒于天子天子賜之黃金之罌貝帶朱丹七

十裏諸飢乃膜拜而受之庚辰至于滔水濁繇氏之所食辛巳天子東征癸未至于蘇谷骨飢氏之所衣被乃遂南征東還丙戌至于長淡重繇氏之西疆丁亥天子升于長淡乃遂東征庚寅至于重繇氏黑水之阿爰有野麥爰有答董西膜之所謂木禾重繇氏之所食爰有采石之山重繇氏之所守曰枝斯璿瑰坡瑤琅玕玲瓏无瓊玕琪徽尾凡好石之器于是出孟秋癸巳天子命重繇氏共食天子之屬五日丁酉天子升于采石之山於是取

采石焉天子使重繇之民鑄以成器于黑之水上器服物佩好無疆曰天子一月休秋癸亥天子觴重繇之人解罽乃賜之黃金之罍二九銀鳥一隻貝帶五十朱七百裏篙箭桂薑百崗絲纒雕官解罽乃膜拜而受乙丑天子東征解罽送天子至于長沙之山□隻天子使栢天受之栢天曰重繇氏之先三苗氏之□處以黃木蠶銀采□乃膜拜而受丙寅天子東征南還乙巳至于文山西膜之所謂□觴天子于文山西膜之人乃獻食馬三百牛

羊二千糝米千車天子使畢矩受之曰□天子三日遊于文山於是取采石壬寅天子飲于文山之下文山之人歸遺乃獻良馬十駟用牛三百守狗九十牝牛二百以行流沙天子之豪馬豪牛老狗豪羊以三十祭文山又賜之黃金之罍二九貝帶三十朱三百裹桂薑百崗歸遺乃膜拜而受癸酉天子命駕八駿之乘右服黼駟而左綠耳右驂赤鼈而左白薇天子主車造父爲御箇箇爲右次車之乘右服渠黃而左踰輪右盜驪而左山子栢夭

主車參百爲御奔戎爲右天子乃遂東南翔行馳驅千里至于巨蒐之人獮奴乃獻白鵠之血以飲天子因具牛羊之湏以洗天子之足及二乘之人甲戌巨蒐之獮奴觴天子于焚留之山乃獻馬三百牛羊五千秋麥千車膜稷三十車天子使栢天受之好獻枝斯之石四十侖韶舅醜秘珮百隻琅玕四十醜趙十篋天子使造父受之□乃賜之銀木繩采黃金之罍二九貝帶四十朱三百裹桂薑百崗獮奴乃膜拜而受乙亥天子南征陽紆之東

尾乃遂絕茲晉之谷已至于夔瑯河之水北阿爰  
有爨漉之□河伯之孫事皇天子之山有模莖其  
葉是食明后天子嘉之賜以佩玉一隻栢天再拜  
稽首癸丑天子東征栢天送天子至于鄘人鄘伯  
絮觴天子于澡澤之上斲多之汭河水之所南還  
曰天子五日休于澡澤之上以待六師之人戊午  
天子東征顧命栢天歸于丌邦天子曰河宗正也  
栢天再拜稽首天子南還升于長松之墜孟冬壬  
戌至于雷首犬戎胡觴天子於雷首之阿乃獻食

馬四六天子使孔牙受之曰雷水之平寒寡人具  
犬馬牛羊爰有黑牛白角爰有黑羊白血癸亥天  
子南征升于髀之墜丙寅天子至于鉞山之隊東  
升于三道之墜乃宿于二邊命毛班逢固先至于  
周以待天之命癸酉天子命駕八駿之乘赤驥之  
駟造父爲御□南征翔行逕絕翟道升于太行南  
濟于河馳驅千里遂入于宗周官人進白鵠之血  
以飲天子以洗天子之足造父乃具羊之血以飲  
四馬之乘一庚辰天子大朝于宗周之廟乃里西

土之數曰自宗周灑水以西至于河宗之邦陽于  
之山三千有四百里自陽紆西至于西夏氏二千  
又五百里自西夏至于珠余氏及河首千又五百  
里自河首襄山以西南至于春山珠澤昆侖之丘  
七百里自春山以西至于赤鳥氏春山三百里東  
北還至于群玉之山截春山以北自群玉之山以  
西至于西王母之邦三千里□自西王母之邦北  
至于曠原之野飛鳥之所解其羽千有九百里□  
宗周至于西北大曠原萬四千里乃還東南復至

於陽紆七千里還歸於周三千里各行兼數三萬  
有五千里吉日甲申天子祭於宗周之廟乙酉天  
子休六師之人於洛水之上丁亥天子北濟於河  
□羗之隊以西北升於盟門九河之陞乃遂西南  
仲冬壬辰至壘山之上乃奏廣樂三日而終吉日  
天子入於南鄭寶處曰天子四日休於護澤於是  
射鳥獵獸丁丑天子會雨乃至祭父自圃鄭來謁  
留昆歸玉百枝陵翟致賂良馬百駟歸畢之寶以  
詰其成陵子曷胡□東牡見許男於洧上祭父以



天子命辭曰去茲羔用玉帛見許男不敢辭還取  
束帛加璧毛公舉幣帛是日也天子飲許男於洧  
上天子曰朕非許邪而恤百姓故也咎氏宴飲毋  
有禮許男不敢辭升坐於出尊乃用燕樂天子賜  
許男駿馬十六男男降再拜空首乃升平坐及莫  
天子遣許男歸癸亥天子乘鳥舟龍卒浮於大沼  
夏庚午天子飲於洧上乃遣祭父如圃鄭用朝諸  
侯辛未天子北還釣於漸澤食魚於桑野丁丑天  
子里圃田之路東至於房西至於□丘南至於桑

野北畫經林煮□之藪南北五十□十虞東虞曰  
兔臺西虞曰櫟丘南虞曰□富丘北虞曰相其御  
虞曰□來十虞所庚辰天子次於軍丘以田於藪  
□甲寅天子作居范宮以觀桑者乃飲於桑中天  
子命桑虞出□桑者用禁暴人仲夏甲申天子□  
所庚寅天子西遊乃宿於祭壬辰祭公飲天子  
酒乃歌閟天之詩天子命歌南山有犛乃紹曼樂  
丁酉天子作臺以爲西居壬寅天子東至於崔梁  
甲辰浮於蒙水乃奏廣樂季夏庚午休於范宮仲

秋丁巳天子射鹿於林中乃飲於孟氏爰舞白鶴  
二八還宿於雀梁季秋辛巳天子司戎于口來虞  
人次御孟冬鳥至王臣口弋仲冬丁酉天子射獸  
休於深薈得麋麕豕鹿四百有二十得二虎九狼  
乃祭於先王命庖人熟之戊戌天子西遊射於中  
澤方落草木鮮命虞人掠林除藪以爲百姓材是  
日也天子升於邠與井公博三日而決辛丑塞至  
於臺乃大暑除天子居於臺以聽天下之遠  
方口之數而衆從之是以選物乃載之神人口

之能數也乃左右望之天子樂之命爲口而時口  
焉口其名曰口公去乘人口猶口有虎在乎葭中  
天子將至七萃之士高奔戎請生捕虎必全之乃  
生捕虎而獻之天子命之爲柙而畜之東虞是爲  
虎牢天子賜奔戎駉馬十馴歸之太牢奔戎再拜  
詣首丙辰天子北遊于林中乃大受命而歸仲秋  
甲戌天子東遊次于雀梁口蠹書于羽林季秋口  
乃宿于所畢人告戎曰陵翟來侵天子使孟愈如  
畢討戎霍侯舊告薨天子臨于軍丘狩于藪季冬

甲戌天子東遊飲于留祈射于麗虎讀書于菑丘  
□獻酒于天子乃奏廣樂天子遺其靈鼓乃化爲  
黃蛇是日天子鼓道其下而鳴乃樹之桐以爲鼓  
則神且鳴則利於戎以爲琴則利□于黃澤東遊  
於黃澤宿于曲洛廢□使宮樂謠曰黃之池其馬  
歎沙皇人威儀黃之澤其馬歎玉皇人受穀丙辰  
天子南遊于黃□室之丘以觀夏后啓之所居乃  
□于啓室天子筮獵萃澤其卦遇訟逢公占之曰  
訟之繇數澤蒼蒼其中□宜其正公戎事則從矣

祀則熹暉獵則獲□飲逢公酒賜之駿馬十六緡  
紵三十篋逢公再拜稽首賜筮史狐□有陰雨雪  
神有事是謂重陰天子乃休日中大寒北風雨雪  
有凍人天子作詩三章以哀民曰我徂黃竹□員  
闕寒帝收九行嗟我公侯百辟冢卿皇我萬民旦  
夕勿忘我徂黃竹□員闕寒帝收九行嗟我公侯  
百辟冢卿皇我萬民旦夕勿窮有皎者駘翩翩其  
飛嗟我公侯□勿則遷居樂甚寡不如遷土禮樂  
其民天子曰余一人則淫不皇萬民□登乃宿于

黃竹天子夢羿射于塗山祭公占之䟽□之□乃宿于曲山壬申天子西升于曲山□天子西征升九阿南宿于丹黃戊寅天子西升于陽□過于靈□井公博乃駕鹿以遊于山上爲之石主而□寘軫乃次于涇水之陽吉日丁亥天子入于南鄭之虛皇帝之間乃□先王九觀以詔後世巳巳天子□征舍于蒞臺辛未紐蒞之獸於是白鹿一悟瘞逸出走天子乘渠黃之乘□焉天子丘之是曰五鹿官人之□是丘□其皮是曰□皮□其脯是曰

□脯天子飲于潔水之上官人膳鹿獻之天子天子美之是曰其癸酉天子南祭白鹿于潔□乃西飲于草中大奏廣樂是曰樂人甲戌天子西北□姬姓也盛栢之子也天子賜之上姬之長是曰盛門天子乃爲之臺是曰重璧之臺戊寅天子東徂于澤中逢寒疾天子令于澤中盛姬告病天子憐之□澤曰寒氏盛姬求飲天子命人取漿而給是日壺輻天子西至于重璧之臺盛姬告病□天子哀之是曰哀次天子乃殯盛姬于穀丘之廟壬寅

天子命哭啓爲主祭父賓喪天子王女叔姪爲主  
天子□賓之命終哀禮於是殤祀而哭內史執策  
官人□丌職曾祝敷筵席設几盛饋具肺鹽羹臠  
脯棗醢醢魚腊糗韭百物乃陳腥俎十二乾豆九  
十鼎敦壺尊四十器曾祝祭食進肺鹽祭酒乃獻  
喪主伊扈伊扈拜受□祭女又獻女主叔姪叔姪  
拜受祭□祝報祭觴大師乃哭卽位畢哭內史□  
策而哭曾祝捧饋而哭御者□祈而哭抗者觴夕  
而哭佐者承斗而哭佐者衣裳佩□而哭樂□人

陳琴瑟□竽箏箜篌而哭百□衆官人各□其  
事以哭曰士女錯踊九□乃終喪主伊扈哭出造  
舍父兄宗姓及在位者從之佐者哭且徹饋及壺  
鬯俎豆衆宮人各□其職皆哭而出并利□事後  
出而收癸卯大哭殤祀而載甲辰天子南葬盛姬  
於樂池之南天子乃命盛姬□之喪視皇后之葬  
法亦不邦後于諸侯河濟之間共事韋穀黃城三  
邦之事輦喪七萃之士抗者卽車曾祝先率大匠  
御棺日月之旗七星之文鼓鍾以葬龍旗以□鳥

以建鼓獸以建鍾龍以建旗曰啞之先後及哭踊者之間畢有鍾旗□百物啞器并利典之列于啞行靡有不備擊鼓以行啞舉旗以勸之擊鍾以止哭彌旗以節之曰□祀大哭九而終啞出于門啞主卽位周室父兄子孫倍之諸侯屬子王吏倍之外官王屬七萃之士倍之姬姓子弟倍之執職之人倍之百官衆人倍之哭者七倍之踊者三十行行萃百人女主卽位嬖人羣女倍之王臣姬姓之女倍之宮官人倍之宮賢庶妾倍之哭者五倍踊

者次從曰天子命喪一里而擊鍾止哭曰匠人哭于車上曾祝哭于喪七萃之士哭于喪所曰小哭錯踊三踊而行五里而次曰喪三舍至於哀次五舍至于重璧之臺乃休天子乃周姑繇之水以圍喪車是曰固車曰殤祀之孟冬辛亥邢侯曹侯來弔內史將之以見天子天子告不豫而辭焉邢侯曹侯乃弔太子太子哭出廟門以迎邢侯再拜勞之侯不答拜邢侯謁哭于廟太子先哭而入西向卽位內史賓侯北向而立大哭九邢侯厝踊三而

止太子送邢侯至廟門之外邢侯遂出太子再拜  
送之曹侯廟弔入哭太子送之亦如邢侯之禮壬  
子天子具官見邢侯曹侯天子還返邢侯曹侯執  
見拜天子之武一天子見之乃遣邢侯曹侯歸于  
其邦王官執禮共于二侯如故曰天子出憲以或  
祿賙癸丑大哭而口甲寅殤祀大哭而行喪五舍  
于大次曰喪三日于大次殤祀如初辛酉大成百  
物皆備壬戌葬史錄繇鼓鍾以赤下棺七萃之士  
口士女錯踊九口喪下昧爽天子使嬖人贈用文

錦明衣九領喪宗伊扈贈用變裳女主叔姪贈用  
茵組白嬖人官師畢贈井利乃藏報哭于大次祥  
祠口祝喪罷哭辭于遠人爲盛姬謚曰哀淑人天  
子丘人是曰淑人之丘乙丑天子東征舍于五鹿  
叔姪思哭是曰女姪之丘丁卯天子東征釣于潔  
水以祭淑人是曰祭丘巳巳天子東征食馬于潔  
水之上乃鼓之棘是曰馬主癸酉天子南征至于  
蒞臺仲冬甲戌天子西征至於因氏天子乃釣于  
河以觀姑繇之木丁丑天子北征戊寅舍于河上

乃致父兄子弟王臣姬□祥祀畢哭終喪于囂氏  
巳卯天子西濟于河囂氏之遂庚辰舍于茅尺於  
是禋祀除喪始樂素服而歸是日素氏天子遂西  
南癸未至于野王甲申天子北升于大北之陞而  
降休于兩栢之下天子永念傷心乃思淑人盛姬  
於是流涕七萃之士萋豫上諫于天子曰自古有  
死有生豈獨淑人天子不樂出於永思永思有益  
莫忘其新天子哀之乃又流涕是日輟巳未乙酉  
天子西絕鉞陞乃遂西南戊子至于鹽巳丑天子  
南登于薄山寘軫之陞乃宿于虞庚申天子南征  
吉日辛卯天子入于南鄭



莊子逍遙遊

北冥有魚其名爲鯤鯨之大不知其幾千里也化而爲鳥其名爲鵬鵬之背不知其幾千里也怒而飛其翼若垂天之雲是鳥也海運則將徙於南冥南冥者天池也齊諧者志怪者也諧之言曰鵬之徙於南冥也水擊三千里搏扶搖而上者九萬里去以六月息者也野馬也塵埃也生物之以息相吹也天下蒼蒼其正色邪其遠而無所至極邪其視下也亦若是則已矣且夫水之積也不厚則負

大舟也無力覆杯水於坳堂之上則芥爲之舟置  
杯焉則膠水淺而舟大也風之積也不厚則其負  
大翼也無力故九萬里則風斯在下矣而後乃今  
培風背負青天而莫之夭闕者而後乃今將圖南  
矧與鸞鳩笑之曰我決起而飛槍榆枋時則不至  
而控於地而已矣奚以之九萬里而南爲適莽蒼  
者三食而反腹猶果然適百里者宿春糧適千里  
者三月聚糧之二蟲又何知小知不及大知小年  
不及大年奚以知其然也朝菌不知晦朔蟪蛄不

知春秋此小年也楚之南有冥靈者以五百歲爲  
春五百歲爲秋上古有大椿者以八千歲爲春八  
千歲爲秋而彭祖乃今以久特聞衆人匹之不亦  
悲乎湯之問棘也是已窮髮之北有冥海者天池  
也有魚焉其名爲鯨背若泰山翼若垂天之雲搏扶  
搖羊角而上者九萬里絕雲氣負青天然後圖南  
且適南冥也斥鴳笑之曰彼且奚適也我騰躍而  
上不過數仞而下翱翔蓬蒿之間此亦飛之至也

而彼且奚適也此小大之辨也故夫知效一官行  
比一鄉德合一君而徵一國者其自視也亦若此  
矣而宋榮子猶然笑之且舉世而譽之而不加勸  
舉世而非之而不加沮定乎內外之分辨乎榮辱  
之境斯已矣彼其於世未數數然也雖然猶有未  
樹也夫列子御風而行泠然善也旬有五日而後  
反彼於致福者未數數然也此雖免乎行猶有所  
待者也若夫乘天地之正而御六氣之辨以遊無  
窮者彼且惡乎待哉故曰至人無已神人無功聖

人無名堯讓天下於許由曰日月出矣而燭火不  
息其於光也不亦難乎時雨降矣而猶浸灌其於  
澤也不亦勞乎夫子立而天下治而我猶尸之吾  
自視缺然請致天下許由曰子治天下天下既已  
治也而我猶代子吾將爲名乎名者實之賓也吾  
將爲賓乎鷦鷯巢於深林不過一枝偃鼠飲河不  
過滿腹歸休乎君子無所用天下爲庖人雖不治  
庖尸祝不越樽俎而代之矣肩吾問於連叔曰吾  
聞言於接輿大而無當往而不反吾驚怖其言猶

河漢而無極也大有逕庭不近人情焉連叔曰其  
言謂何哉曰藐姑射之山有神人居焉肌膚若冰  
雪淖約若處子不食五穀吸風飲露乘雲氣御飛  
龍而遊乎四海之外其神凝使物不疵厲而年穀  
熟吾以是狂而不信也連叔曰然瞽者無以與乎  
文章之觀聾者無以與乎鐘鼓之聲豈惟形骸有  
聾盲哉夫知亦有之是其言也猶時女也之人也  
之德也將旁礴萬物以爲一世斲乎亂孰弊弊焉  
以天下爲事之人也物莫之傷大浸稽天而不溺

大旱金石流土山焦而不熱是其塵垢秕糠將猶  
陶鑄堯舜者也孰肯以物爲事宋人資章甫而適  
諸越越人斷髮文身無所用之堯治天下之民平  
海內之政往見四子藐姑射之山汾水之陽窅然  
喪其天下焉惠子謂莊子曰魏王貽我大瓠之種  
我樹之成而實五石以盛水漿其堅不能自舉也  
剖之以爲瓢則瓠落無所容非不呶然大也吾爲  
其無用而掊之莊子曰夫子固拙於用大矣宋人  
有善爲不龜手之藥者世世以泝泝統爲事客聞

之請買其方百金聚族而謀曰我世世爲泝澠統  
不過數金今一朝而鬻技百金請與之客得之以  
說吳王越有難吳王使之將冬與越人水戰大敗  
越人裂地而封之能不龜手一也或以封或不免  
於泝澠統則所用之異也今子有五石之瓠何不  
慮以爲大樽而浮乎江湖而憂其瓠落無所容則  
夫子猶有蓬之心也夫惠子謂莊子曰吾有大樹  
人謂之樗其大本擁腫而不中繩墨其小枝卷曲  
而不中規矩立之塗匠者不顧今子之言大而無

用衆所同去也莊子曰子獨不見狸狌乎卑身而  
伏以候敖者東西跳梁不避高下中於機辟死於  
網罟今夫爨牛其大若垂天之雲此能爲大矣而  
不能執鼠今子有大樹患其無用何不樹之於無  
何有之鄉廣莫之野彷徨乎無爲其側逍遙乎寢  
卧其下不夭斤斧物無害者無所可用安所困苦  
哉

莊子庚桑楚

老聃之役有庚桑楚者偏得老聃之道以北居畏  
壘之山其臣之畫然知者去之其妾之潔然仁者  
遠之擁腫之與居鞅掌之爲使居三年畏壘大穰  
畏壘之民相與言曰庚桑子之始來吾灑然異之  
今吾日計之而不足歲計之而有餘庶幾其聖人  
乎子胡不相與尸而祝之社而稷之乎庚桑子聞  
之南面而不釋然弟子異之庚桑子曰弟子何異  
於予夫春氣發而百草生正得秋而萬實成夫春

與秋豈無得而然哉大道已行矣吾聞至人尸居  
環堵之室而百姓猖狂不知所如往今以畏壘之  
細民而竊竊焉欲俎豆于賢人之間我其杓之  
人邪吾是以不釋於老聃之言弟子曰不然夫尋  
常之溝巨魚無所還其體而鯢鱔爲之制步仞之  
丘陵巨獸無所隱其軀而夔狐爲之祥且夫尊賢  
授能先善與利自古堯舜以然而况畏壘之民乎  
夫子亦聽矣庚桑子曰小子來夫函車之獸介而  
離山則不免于網罟之患吞舟之魚碭而失水則

蟻能苦之故鳥獸不厭高魚鼈不厭深夫全其形  
生之人藏其身也不厭深眇而已矣且夫二子者  
又何足以稱揚哉是其於辯也將妄鑿垣墻而植  
蓬蒿也簡髮而櫛數米而炊竊竊乎又何足以濟  
世哉舉賢則民相軋任知則民相盜之數物者不  
足以厚民民之於利甚勤子有殺父臣有殺君正  
晝爲盜日中穴阨吾語汝大亂之本必生於堯舜  
之間其未存乎千世之後千世之後其必有人與  
人相食者也南榮趯蹇然正坐曰若趯之年者已

長矣將惡乎託業以及此言邪庚桑子曰全汝形  
抱汝生無使汝思慮營營若此三年則可以及此  
言也南榮趯曰目之與形吾不知其異也而盲者  
不能自見耳之與形吾不知其異也而聾者不能  
自聞心之與形吾不知其異也而狂者不能自得  
形之與形亦辟矣而物或間之邪欲相求而不能  
相得今謂趯曰全汝形抱汝生勿使汝思慮營營  
趯勉聞道達耳矣庚桑子曰辭盡矣曰奔蜂不能  
化藿蠋越雞不能伏鵠卵魯雞固能矣雞之與雞

則不相同乃覺其非此正是最切近耳最分明處  
乃舍之設空於冥漠之間其亦悞矣方竊以此意  
痛自檢勒慙然度日惟恐有急而失之至於文章  
之聞亦覺亦向來病痛不少蓋平日解經最為守  
章句者然亦多矣是推衍文義自作一片文字非  
惟屋下架屋說得意味淺薄且是使人看者將注  
其經作兩項功夫做了下稍看得支離至於本旨  
全不相照以此方知漢儒可謂善說經者不過只  
使人以此玩索經耳不相離異只作一道看了真



是意味深長也中庸之物化畧修一過再錄上呈  
然覺其間更有合刑處論之為物哉此章定一本  
未暇脫觀則方欲為之而日力未及也近又見一  
意思作意本是使人卜筮以求決所行之可否而  
因此以教人為善如嚴君平所謂媿人子言依媿  
孝與人臣言依於忠者故卦爻之辭只是因依象  
類虛設於此以待叩而決者使以所值之辭決所  
疑之事似若假之神明而亦必有是理而後有是  
辭但理無不正故其丁寧告戒之詞此言有所害其

其病然其病病者猶未病也若越之聞大道譬猶  
飲藥以加病也越願聞衛生之經而已矣老子曰  
衛生之經能抱一乎能勿失乎能無卜筮而知吉  
凶乎能止乎能已乎能舍諸人而求諸已乎能脩  
然乎能侗然乎能見子乎見子終日嗥而噬不噉  
和之至也終日握而手不捩共其德也終日視而  
目不曠偏不在外也行不知所之居不知所為與  
物委蛇而同其波是衛生之經已南榮越曰然則  
是至人之德已乎曰非也是乃所謂冰解凍釋者

夫至人者相與交食乎地而交樂乎天不以人物  
利害相嬰不相與爲怪不相與爲謀不相與爲事  
條然而往侗然而來是謂衛生之經已曰然則是  
至乎曰未也吾固告汝曰能見子乎見子動不知  
所爲行不知所之身若槁木之枝而心若死灰若  
是者禍亦不至福亦不來禍福無有惡有人災也  
宇泰定者發乎天光發乎天光者人見其人人有  
脩者乃今有恒有恒者人舍之天助之人之所舍  
謂之天民天之所助謂之天子學者學其所不能

學也行者行其所不能行也辯者辯其所不能辯  
也知止乎其所不能知至矣若有不卽是者天鈞  
敗之備物以將形藏不虞以生心敬中以達彼若  
是而萬惡至者皆天也而非人也不足以滑成不  
可內於靈臺靈臺者有持而不知其所持而不可  
持者也不見其誠已而發每發而不當業入而不  
舍每更爲失爲不善乎顯明之中者人得而誅之  
爲不善乎幽閒之中者鬼得而誅之明乎人明乎  
鬼者然後能獨行券內者行乎無名券外者志乎

期費行乎無名者唯庸有光志乎期費者唯賈人也人見其跂猶之魁然與物窮者物入焉與物且者其身之不能容焉能容人不能容人者無親無親者盡人兵莫憐于志鏖鄒爲下寇莫大於陰陽無所逃於天地之間非陰陽賊之心則使之也道通其分也其成也毀也所惡乎分者其分也以備所以惡乎備者其有以備故出而不反見其鬼出而得是謂得死滅而有實鬼之一也以有形者象無形者而定矣出無本入無竅有實而無乎處有

長而無乎本剝有所出而無竅者有實有實而無乎處者宇也有長而無本剝者宙也有乎生有乎死有乎出有乎入入出而無見其形是謂天門天門者無有也萬物出乎無有有不能以有爲有必出乎無有而無有一無有聖人藏乎是古之人其知有所至矣惡乎至有以爲未始有物者至矣盡矣弗可以加矣其次以爲有物矣將以生爲喪也以死爲反也是以分已其次曰始無有旣而有生生俄而死以無有爲首以生爲體以死爲尻孰知

有無死生之一守者吾與之爲友是三者雖異公  
族也昭景也著戴也甲氏也著封也非一也有生  
賊也披然曰移是嘗言移是非所言也雖然不可  
知者也臘者之有脆胘可散而不可散也觀室者  
周於寢廟又適其偃焉爲是舉移是請嘗言移是  
是以生爲本以知爲師因以乘是非果有名實因  
以已爲質使人以爲已節因以死償節若然者以  
用爲知以不用爲愚以徹爲名以窮爲辱移是今  
之人也是蜩與鸞鳩同於同也蹶市人之足則辭

以放鷺兄則以嫗大親則已矣故曰至禮有不人  
至義不物至知不謀至仁無親至信辟金徹志之  
勃解心之謬去德之累達道之塞富貴顯嚴名利  
六者勃志也容動色理氣意六者謬心也惡欲喜  
怒哀樂六者累德也去就取與知能六者塞道也  
此四六者不盪胸中則正正則靜靜則明明則虛  
虛則無爲而無不爲也道者德之欽也生者德之  
光也性者生之質也性之動謂之爲爲之僞謂之  
失知者接也知者謨也知者之所不知猶睨也動

以不得已之謂德動無非我之謂治名相反而實相順也羿工乎中微而拙乎使人無已譽聖人工乎天而拙乎人夫工乎天而佞乎人者唯全人能之唯蟲能蟲唯蟲能天全人惡天惡人之天而況吾天乎人乎一雀適羿羿必得之威也以天下爲之籠則雀無所逃是故湯以庖人籠伊尹秦穆公以五羊之皮籠百里奚是故非以其所好籠之而可得者無有也介者移晷外非譽也胥靡登高而不懼遺死生也夫復詔不媿而忘人忘人因以爲天人矣故敬之而不喜侮之而不怒者唯同乎天和者爲然出怒不怒則怒出於不怒矣出爲無爲則爲出於無爲矣欲靜則平氣欲神則順心有爲也欲當則緣於不得已不得已之類聖人之道



